

**keshnews telegram kanalida e'lon qilingan “Ixtisoslashgan maktabning qurilishi qachon yakunlanadi?” xabariga munosabat.**

O‘zbekiston Respublikasi Prezidentining 2022-yil 14-apreldagi “Prezident ta’lim muassasalari agentligi tizimidagi ixtisoslashtirilgan maktablar tarmog‘ini kengaytirish to‘g‘risida”gi PF – 106- son Farmoni asosida Qashqadaryo viloyatida jami 13 ta (shundan, 2 ta ixtisoslashtirilgan maktab-internati, 11 ta ixtisoslashtirilgan maktab) ta’lim muassasalarida Prezident ta’lim muassasalari agentligi tizimida ixtisoslashtirilgan maktab-internat, ixtisoslashtirilgan maktab tashkil etilishi belgilangan.

Shuningdek, farmon 5-bandining uchinchi xatboshisida Qoraqalpog‘iston Respublikasi Vazirlar Kengashi, viloyatlar va Toshkent shahar hokimliklari Agentlik maktablarini ta’mirlash, zamonaviy o‘quv qurollari, axborot-kommunikatsiya texnologiyalari, mebel va o‘quv-laboratoriylar bilan jihozlash choralarini ko‘rish, o‘quvchilarga yashash va ovqatlanish uchun sharoitlarni yaratilishi belgilangan.

Viloyat hokimligi Yagona buyurtmachi xizmati injiniring kompaniyasi bilan tuzilgan shartnomaga asosan belgilangan muddatlarda qurilish-ta’mirlash ishlari yakuniga yetkazish choralari ko‘rilmoxda.

O‘quv yili boshlanishiga qadar ta’mir ishlari tugallanmagan ta’lim muassasalari uchun vaqtincha joy ajratilishi ko‘zda tutilgan.

**Eslatib o‘tamiz, Prezident ta’lim muassasalari agentligining rasmiy sahifalarida yangi tashkil etilgan ixtisoslashtirilgan maktablarning qurilish-ta’mirlash jarayonlari muntazam yoritib borilmoqda.**